

Gert van Vliet

Sr. Gert van Vliet ta un personahe basta conoci den e mundo di ciclismo na Aruba, e ta un deportista semi-profesional cu for di aña 1990, a dedica su mes pa hisa su nivel y asina mehora e calidad di e ciclismo na Aruba.

Gert a nace na Hulanda dia 26 di Februari 1964 y su famia a bin Aruba na aña 1968, akinan el a biba y studia te cu aña 1983 ora el a bai Hulanda y a bin Aruba bek na 1987 y poco despues el a bai traha na St. Maarten

como educador fisico, akinan a cuminsa su interes seriamente pa desaroya su mes den e deporte di triathlon.

Na aña 1990, Gert a regresa Aruba y a tuma contacto cu Sr. Rudy Leysner, kende tabata e persona cu e tempo ey tabata tene e deporte aki na bida y asina el a cuminsa prepara pa e weganan olimpico na Barcelona'92, España.

E tempo ey no tabata tin mucho



hende cu tabata practica ciclismo y ademas esnan cu tabata practica esaki, mester a depende di otro competidornan cu tabata biaha afo, pa besteld algun pieza, of equipo of kizas un bicicleta nobo pa nan por competi.

Gert a decidi pa habri un negoshi pa atende e necesidadnan di e amantenan di ciclismo, ya sea ciclismo mes, mountain bike y Triathlon of bike cross y di e forma aki a "nace" **Tri-Bike Aruba**.

Gert a yega di participa na mas cu 75 competencia internacional y mas cu 200 competencia local cu a cai den premio un 90%.

Na 1995 el a casa cu Anne Marie cu kende a haya 2 yiu, esta Michelle di 1 aña y 10 luna, y Indy di 6 luna.

Gert ta conseha na esnan cu kier practica e deporte aki riba nivel profesional, pa entrena 2 biaha pa dia, 6 dia pa siman y ademas competi mas tanto posibel, especialmente den eventonan internacional pa asina bo nivel crece mas y mas. Ademas e ta pidi gobierno pa bin cu un subsidio pa deportistanan hoben y serio, ya cu esaki lo lanta e calidad di e deportistanan na Aruba.



Gert y su ayudante Ryan ta prepara un bicicleta especial cu ta costa mas cu \$5.000 pa un corredor di Curaçao.